

**DISPUTATIO PRACTICA
DE AUTORITATE
LEGUM HUMANARUM,
QUAM ... IN ILLUSTRIS
AD SALAM...**

Johann Friedrich Nicolai, Georg Rick,
Valenti Gonzaga



THE
STATUTE

IN
RELATION TO THE

LANDS

OF THE

WEST INDIES

IN THE

WEST INDIES

IN THE

WEST INDIES

IN THE

IN THE



§. I.

S Ponte & ultro ea, quæ probitatem & laudem præ se ferunt, non coactu & præscriptis legum exsequi, Hominis Sapientis & Christiani est. Verum corruptæ naturæ perversitate, quam ab ortu quisque trahit, homines eo deducti sunt, ut plurimi formidine magis pœnæ compulsi, quàm amore virtutis stimulari, à delinquendo coerceantur. Quæ perpendens Veneranda Antiquitas non potuit non incitamentum ad pietatis & virtutis exercitium suppeditare & prudenter legibus providere, ne è radicibus istis, quæ animum insident, innumera alia impune propullularent. Recte enim Poeta:

Quid tristes querimonia.

Si non supplicio culpa reciditur?

Horat. L. III.

Ode. XXIV.

Et quanta illarum Legum sit utilitas, rerum omnium Magistra Experientia satis superq; loquitur. Lex enim jubet secundum Aristot. L. V. quamvis Virtutem vivere, & prohibet secundum quodvis vitium vivere. Et ut ex Medicinâ nihil oportet putare proficisci, nisi quod ad Corporis utilitatem spectat, quoniam ejus causa est instituta: sic Cic. Jny. I. 68. à Legibus nihil convenit arbitrari, nisi quod Reip. conducatur, proficisci, quoniam ejus causa sunt comparate. Quamobrem omnino etiam atq; etiam cavendum est, ne vel à Majoribus repertas, vel adhuc hodie à Magistratu Legitimo leges sanctas sanctas, oblivione obruamus aut contemptas atq; abjectas temerè abrogemus: cum neq; Civitas ulla extiterit unquam, vel extare etiam possit, quæ suas non habuerit, aut habeat leges. Quemadmodum autem Leges & premia recte agentibus & supplicia delinquentibus proponi jussit Plato, ita hanc esse vim etiam Legum humanarum, prout ingenii vires tulerint, latius, Deo favente, exsequi conabimur.

§. 2. Præmissâ promulgationis Legum Origine earumque utilitate, bonum factum videtur, antequâ questionem ipsam,

quâ disputatur: *Utrum Leges humane obligent Conscientiam?* ag-
grediamur, illam resolvere, & singula prius Verba examinare.
Illis enim præsuppositis, faciliori negotio *questionem ipsam* de-
cidere licebit. Primo autem loco consideranda venit *Lex*:
Quæ est sententia à Magistratu publico & legitimo, vel ore, vel scri-
ptis, publice prolata, quâ agentibus rationalibus sub promissione præ-
miij bona facere, & sub comminatione pœna mala fugere, præcipit,
eosq; ad obedientiam sibi debitam obligat, ut salus publica & priva-
ta servari possit.

§. 3. Consideratur autem hic *Lex* non *in statu aberrantie &*
corruptionis, sed in statu naturali & perfectionis. Alias spectari
potest vel *specialiter & proprie, vel generaliter & in statu præcisi-*
onis. Hoc posteriori modo abstrahitur à justo & iniusto, licito &
illicito, ut illud etiam, quod injustum est, *Lex* appelletur, cum
tamen non nisi purum putum Legis nomen habeat. E.g. Hyrcanis
Lex fuit, ut Parentes senectute confectos filii mactarent, aut
mortuos canibus dilaniandos præberent; à Populis Orientalibus,
qui ad Septentrionem vergunt, ferunt *Legem* statutum apud ple-
rosq; eorum esse, ut peregrini etiam ignoti (modo sint colore
candidi) novas nuptas constuprandas à suis Maritis accipiant.
Verum has esse *Leges* veri nominis & justas, quis crediderit?
Ejusmodi sane edicta, quæ Legi naturæ manifestè contradicunt,
& quæ sana ratio atque conscientia ipsa refutat, nunquam
vel Plato, vel Cicero *Leges* esse dixerit. Audiamus M. Tullium.
Virum ingenii singularis, qui sapienti sanè ratione *Leges* istas
refutavit: *Jam vero stultissimum illud est, inquit, existimare omnia*
justa esse, quæ scita sint in populorum institutis aut Legibus. Eri-
amne si quæ sint Tyrannorum Leges, si triginta illi Athenis Leges im-
ponere voluissent? aut si omnes Athenienses delebantur Tyrannici
Legibus, num idcirco hæ Leges justæ haberentur? Pudor sa-
ne, licet Lex ista non vetaret, vetat. Abhorret ipsa natura! Unde
Imperata fuerunt, non Leges, nisi terminum æquivoce sumere
velimus. Nam approbamus illud: Mihi Lex esse non videtur,
quæ justa non est. Quando vero sumitur specialiter & proprie, qua-
tenus Lex bona, justa, licita, fundamentum habet in Lege natu-
uræ, & ad conservandam salutem status publici & privati est
de-

Lambertus
Daneus Polit.
Christiana L.
V. C. 1. p. 323.

Lib. I. de Leg.
§. 42.

August. L. I.
de Lib. Arbitr.
c. 1.

determinata, tunc legem veram & proprie sic dictam esse, cui obedientia præstanda est à Subditis, propter fundamentum in Lege naturæ, adeoque consequenter in ipsa Lege divinâ, dicimus.

§. 4. Diximus: *Lex agentibus rationalibus bona agere & mala fugere præcipit.* Ergo apparet, quod *bruta & inanimata* excludamus. *Illæ enim non sunt sub Lege* (1) quia Leges præscriptas non intelligunt. (2) in Lege divinâ etiam damnum à brutis ortum in herum devolvitur. *Subiectum* igitur recipiens Leges non sunt, quamvis *materia sive Obiectum* Legis esse possint. *Sed dicas:* Leges ipsis præscribuntur, secundum quas etiam puniuntur. Verum Resp. Quod nemini nisi illis, qui ratione sunt præditi, leges proprie sint præscriptæ, ut luculenter patet Exod. XXI. v. 1. Levit. XX. v. 22. Ubi Deus, quod Lege præcepit, non bruta, sed homines servare jubet. Ad id autem quod attinet, quando bruta secundum Leges à Deo datas puniuntur, non fit illud ideo, quasi essent *subiecta Legum*, & contra Legem proprie deliquissent, sed ad demonstrandam exaggerationem potius & detestationem ipsius facti. Quod in primis patet in simili. Quando funditus in V.T. exscindebantur totæ Urbes, neque ædificia, neque bruta, sed homines tantum peccaverant, pœna tamen in omnia derivabatur. Quo referimus etiam exemplum Achanis furis, qui cum totâ supellestili combustus est, non quasi supellex ista peccasset, sed fiebat hoc, ut major facti ab ipso perpetrati demonstraretur abominatio & ut homines eo magis cogitarent, quam detestabiles sint actus flagitiorum. Interim *Legem naturalem* (quanquâ hoc respectu umbra potius legis appellari debeat) illis non denegaverimus in illis, qualia sunt, quæ cum hominibus habent communia, scilicet, se ipsum defendere, sœtum amare & alere. Sed hæc plura dici postularent. Legem vero positivam non illis, sed tantum agentibus rationalibus competere asserimus. Cætera in definitione nota sunt.

§. 5. Ita Legem ejusque definitionem exsecuti sumus. Sequetur Ergo *Causa Efficiens Legis*, quæ hic est *Homō*, unde appellantur etiam *Humane*. Et sunt tales Leges, quas homines pro Reip. Honestate, Utilitate, Necessitate & Circumstantiis aliis

Exod. XXI. v.

29. 35. 36.

Levit. XX. 15.

Exod. XXI. 28

Gen. IX. v. 5.

Josua VII.

Rom. 13. v. 1.
seqq.

constituerunt. Quales autem Homines, utrum *Privati*, an vero in *dignitate vel Officio summo constituti*, in definitione Legis §. 2. indicavimus. Nemo enim potest Legem dare, nisi *potestatem habeat sufficientem jurisdictionis & coactionis*. Quam soli Magistratui mediate à Deo traditam competere etiam S. Scriptura docet.

Gen. VI. v. 5.
cap. VIII.

§. 6. Quando vero *humane* appellantur, fit illud ideo, quia ad hominibus *immediate* promulgatae sunt. Qui autem in hoc negotio non sunt considerandi in *sensu composito*, sed in *sensu diviso*. Illo enim modo considerantur, quatenus *per lapsum sunt depravati*. Quo respectu nihil nisi malum ex mala radice progeminare potest & omnia inter vitia poni debent. Atq; in hac significatione considerandi etiam sunt illi, qui tales impias Leges (si ita appellari fas est) promulgarunt, quarum mentionem fecimus §. 3. *Posteriori* autem *sensu* intelligitur *Homo*, qui est *depravatus*, & ut rudera adhuc imaginis divinae in eo resident, è quibus Leges istae, quas *humanas* appellamus, originem trahunt.

§. 7. Sunt autem Leges istae vel de rebus *Majoris* vel *Minoris momenti*. Ille sunt, quando immediate & absolute consideratae, Deum ipsum vel alias res arduas respiciunt, ut Religionis, Pacis Publicae & privatae conservationem &c. *Haec* vero bonae quidem, iustae & legitimae sunt, *immediate autem & ratione sui considerate* Deum non concernunt, sed tantum mediate sub hoc respectu, quatenus ab illis, qui potestatem à Deo acceperunt, sunt promulgatae. Et tales sunt v. g. de venatione, destinata hora, die, aut tempore certo peragenda emptione & venditione &c.

Meisnerus de
summo bono
Cap. III. q. 2.
p. 210.

§. 8. Haecenus de *Legibus*, eisq; *humanis*. Restat igitur ut *Conscientiam* & illius *obligationem* paucis explicemus. Est autem *Conscientia actus mentis*, quo facienda distantur & facta judicantur. Est autem *Conscientia* vel *Bona* vel *Mala*. Haec est *actus mentis recordantis eorum, quae contra naturalia aut illuminata principia sunt perpetrata, & homini convictio metum accusando & condemnando incutit*. Illa est *actus mentis recordantis eorum, quae cum naturalibus aut illuminatis principiis, qualia in hominem cadere*

dere possunt, conveniunt, & hominem excusando vel absolvendo tranquillum reddit. Ex quibus videmus, quid sit bona Conscientia, ut sane non absre Poëta cecinerit:

— — — Hic murus aheneus esto,

Nil conscire sibi, nullâ pallefcere culpâ.

Horat. Lib. 1.

Epist. 1.

De quibus vide plura apud plur. Rev. & Excell. Dn. D. Bosfacum de Ecclesia Dei præclarissime meritum, Hospitem olim Gedani Optimum in Moral. Gedan. Tit. Conscientia.

§. 9. Ad Obligationem deniq; quæ examinanda adhuc restat, quod attinet, ea sic describi potest, quod sit necessitas moralis, quâ tenetur Voluntas humana conformare se Voluntati Nomothetæ ad exsequenda ea, quæ Lege præcipit. Et est vel Coactiva sive Violentâ, quando inferior à superiori metu pœnarum in Lege propositarum cogitur ad exsequenda ea, quæ Lex præcipit; vel directiva sive pedagogica, quando omnes & singulos sive superiores sive inferiores Lex dirigit ad agendum ea, quæ præcipit, sive quod idem est, est vel externa in foro Politico, quemadmodum omnis transgressio Legis pœnam infert, vel interna, quando interne cogit in foro Conscientiæ, qua aliquis Legis transgressione Deum offendens conscientiam accipit sauciatam & se peccasse atq; pœnam promeruisse, convincitur.

§. 10. Transgressio verò ista vel est generalis, quatenus peccatum impingit in generale præceptum Dei, ex quo per bonam Consequentiam elicitur, Conscientiam hac ipsa transgressione esse læsam; vel Specialis, quatenus peccatum impingit in speciale præceptum Dei, ex quo immediate sequitur, conscientiam hac ipsâ transgressione esse sauciatam. Quod si igitur transgressio est generalis, tunc indirecte & mediate, quia ipsius generali ordinationi resistitur, Deum offendimus, & Conscientiam lædimus; si verò est specialis, tunc directe & immediate Deum offendimus & Conscientiam lædimus. Potest autem transgressio ista fieri (1) vel circa Leges veri nominis, adeoq; bonas & iustas, vel circa falsi nominis, injustas & iniquas. Posteriori modo non obligatur Conscientia, sed priori modo; (2) vel circa necessaria, quæ nunquam sine Offensione Dei & læsione Conscientiæ fieri potest, vel circa Adiaphora, quæ non obligat Conscientiam.

am, modo evitetur Scandalum. Et hæc transgressio iterum fit vel ex *Magistratus contemptu*, quatenus Magistratum contemnimus, & ipsi obediendum esse, negamus. Et sic omnino vulneratur Conscientia; vel ex *ignorantia simplici*, quatenus vel Legem vel Legis sensum ignoravimus, quæ, fraude & dolo absente, conscientiam, non lædit.

§. 11. *Voluntas* tandem conformari debet *Voluntati Legislatoris*, non tantum quoad rem ipsam, sed etiam quoad modum, ut præcisè ita fiat, quomodo Legislator fieri rectè voluit. Potest enim Legislatori aliquid placere, cum tamen displiceat modus. Quo referre solent exemplum illud *Davidis & Salomonis*, de exstructione templi. Quæ exstructio Deo quidem placebat; modus autem iste, nimirum ut fieret per Davidem, displicere poterat. Eadem ratione potest se res habere in aliis causis.

§. 12. Explicatis itaque iis, quæ exponenda videbantur necessariò, superest, ut *questionem ipsam* aggrediamur. Ut autem eo melius *status Controversie* appareat, illum, semotis minus Controversis, constituemus. Sciendum itaq; est, quod hic non quærat: *an Leges humane obligent in foro Politico?* Illud enim nemo facile Christianorum negaverit. Cardo autem *Controversie* in hoc vertitur: *an omnes Leges humane à legitimo Magistratu late obligent Conscientiam, ita, ut transgressione illarum & Deus offendatur & Conscientia saucietur?* Calviniani illud negant, ut Calvinus & Sibrandus, quos citat *Metsnerus Philos. Sobr. P. III. Cap. IV. S. II. Q. XII. p. 760.* & *Gerhardus de Magistr. §. 267.* In quâ sententiâ etiam videtur esse *Daneus Polit. Christ. Lib. V. C. II. p. 332. seqq.* Pontificii vero illud simpliciter affirmant, vide *Cit. Aut.* Verum ad omnia fermè illorum argumenta ex subsequentiis facile poterit responderi. Nos secuti viam mediâ dicimus (1) *Non omnes Leges humane obligant Conscientiam.* (II) *Omnes Leges humane obligant Conscientiam.* Ad primum Aphorismum quod attinet, quod *non Omnes Leges humane obligent Conscientiam*, probamus (1) ex Legum naturâ, quia multa, quæ præcipiuntur, non sunt Leges vere tales, quemadmodum ostendimus §. 3. ubi Autoritatem *Augustini* & ipsius etiam *Ciceronis*, qui fuit tamen Gentilis, adduximus. (2) ex §.

Scri-

Scripturâ, quæ impiis Legibus contra Deum & ejus verbum pugnantibus obtemperare prohibet. E. Conscientiam obligare non possunt, quia iis parendum esse S. Scriptura, & sic Deus ipse, qui Conscientiis tantum dominatur, negat.

§. 13. Quando in Aphorismo Secundo diximus: *Omnes Leges humana obligant Conscientiam*, cum grano salis id accipiendum est. Etenim non intelligimus *Leges qualescunq;*, sed tantum eas, quæ (a) *specialiter & proprie* sumuntur, vide §. 3. sive intelligimus *Leges veri nominis*, quæ *pie, juste & licite* sunt, vide §. 10. (ß) quando transgressio circa necessaria, vel etiam *Adiaphora cum scandalo conjuncta*, fit, §. 10. (γ) ex *Magistratus contemptu atque malitiâ & ignorantia affectatâ*, §. 10. Quod hæc obligent Conscientiam patet (I) *Ex Scripturâ S. Rom. 13. v. 1. & seqq.* In quibus verbis Apostolus obediendum esse Magistratui ostendit, quia (a) *est à Deo ordinatus*; (b) *honor & contemptus in ipsum Deum redundat, & resistens Deo ipsi resistit*; (c) *resistens judicium sibi acquirit.* In Græco Textu est: *ταῖς ἐξουσίαις τοῦ κυρίου, ἡ. ε. sibi ipsis judicium accipient.* Periculosum vero est & cum exitio conjunctum, accelerare sibi judicium & penas, tum per Magistratum, tum etiam immediate à Deo infligendæ. Ergo, sub hac necessitate declinande pænæ temporalis simul & æternæ, Magistratus ejusq; legitimis mandatis Christiani parent. Hinc Septim. Flor. Tertullian. Apol. XXXII. Nos judicium Dei suspicimus in Imperatoribus; id in eis scimus esse, quod DEUS voluit & pro magno adjumento habemus. (d) Dei minister est, & non sine causâ gladium gerit, sed ad puniendos malos & defendendos bonos. Est igitur quasi Manus Dei, quâ utitur in his terris, adeoque ipsi Deo, tanquam causæ remotæ est tribuendum, quicquid ratione sui officii agunt. Et quemadmodum ignominiam, quâ Principis alicujus Legatus afficitur, Princeps sibi ita appropriat, quasi ille ipse eam expertus esset: eâdem etiam ratione Deus suos Legatos, Magistratum scilicet, defendit. (e) *Necessario debemus esse subditi, non tantum propter iram, sed etiam propter Conscientiam.* Daneus in suâ Polit. Christ. c. 1. ita hæc Verba explicat: Propter Conscientiam Magistratus subditi esse debemus, non in singulis Magistratuum Legibus parere propter Conscientiam de-

Hunnius in h.
l. p. 466.

*beamus: verum ut ordinem illum à Deo in unversum constitutum, & Magistratum auctoritatem à Deo generaliter ordinatam esse intelligamus. Rationem dat istam: Solius Dei, non hominum præcepta nostras Conscientias obligant. Unde tandem p. 334. in hæc verba: Justum illius loci interpretamentum à nobis est allatum, nempe non debere pios singulis Magistratum Legibus parere propter Conscientiam, id est, quasi propterea suam Conscientiam laedant, sed debere eos agnoscere publicum illum Magistratus ordinem, ejusq; auctoritatem à Deo esse, ac proinde illi parendum, in quibus non resistit ipse Magistratus Deo. Sed Resp. concedendo (1) quod non debeamus parere omnibus Magistratum Legibus, scilicet iis, quæ sunt contra honestatem, charitatem proximi, & verbum Dei, & quod ejusmodi non obligent Conscientiam; (2) quod debeamus agnoscere publicum illum Magistratus ordinem esse à Deo, adeoq; illis resistere non liceat. Verum ideo hæc non debent intelligi *exclusivè*, quasi excluderetur obligatio Conscientiæ, sed *inclusivè*, ut includatur ista etiam obligatio. Rationem, quam ille affert, limitando concedimus: quod nimirum solius Dei præcepta obligent Conscientias, scilicet *directe & immediate*, *indirecte autem & mediate* etiam Magistratum præcepta, quæ sunt justa & pia; quia Deus generali hoc præcepto, quod Magistratui debeamus parere, etiam præcepit. Et quomodo ille, qui se Deum irasci novit, potest habere Conscientiam bonam à Quod autem in Dei iram Transgressor legum humanarum, qui ordinationi divinæ resistit, incurrat, expresse indicat Apostolus. Quamobrem dicimus: Propter Conscientiam*

B. Chemnitius obediendum est, i. e. Conscientia sit rea coram Deo, meretur suam Locor. Theol. Dei, excusatur ex gratiâ Dei, quando repugnat justis legibus & me- P. II. p. m. 170. diocribus gubernationibus. Conferatur etiam 1. Pet. 2. v. 13. ubi Petrus gravissimas causas præponit, propter quas Magistratui obediendum sit, (1) propter Deum, qui illud præcepit, (2) propter pœnas, quæ inobedientes sequi solent, (3) propter laudem & contra malos defensionem, (4) propter calumnias, ne nomen Dei propter inobedientiam nostram blasphemetur, vide Gerhard. in h. l. (H) Ex Legum Naturâ. Nam omnes Leges, quæ se ita habent, quemadmodum eas descripsimus, fundatæ

data sunt in *Lege natura*, & fluunt ex eâ, tanquam rivulus ex fonte.

§. 14. Non intelligimus autem *Obligationem uno eodemque modo*, quasi Leges humanæ eandem in obligandis Conscientiis haberent virtutem, quam habent Leges divinæ. Nam (I) Omnes Leges humanæ, quæ tales sunt, in se & suâ naturâ non sunt immediate à Deo; neq; etiam omnes directe de Deo & rebus divinis agunt: ut e. g. de non gestando gladio, de purgatione platearum &c. Quomodo igitur eandem Virtutem, quam divinæ à Deo ipso immediate datæ habere possunt? Obligant igitur *indirecte & mediate* tantum ejus Conscientiam, qui eas transgreditur, ideo, quia resistit ordinationi divinæ, & detrahât imperiū ejus, cui ex mandato divino est subiectus. Quare obediendū est, non tantū *propter evitandam pœnā*, sed inprimis *propter conscientiam*, quam salvam & illibatam retinere debet. (II) quia *Magistratus non potest dominari Conscientiis*: quod rectissime olim intellexit Stephanus Batorus Poloniæ Rex, quando tria Deum sibi reservasse dixit: (1) *ex nihilo aliquid facere*, (2) *summa scire*, (3) *Conscientiis dominari*. Si igitur altissimus solus sibi vendicat dominium, E. Magistratui hoc non competit. Et sic etiam Magistratus Leges *directe & immediate* non possunt obligare Conscientiam. Huc accedit (III) quod neq; Magistratus id intendar, sed tantum ad externam pacem & conservationem Reip. eas promulget. Quod autem obligent Conscientiam, *non fit per & propter se*, quia Magistratus illas dedit, sed *fit per aliud*, quia ille, qui Leges istas iustas à Magistratu propositas transgreditur, Deo *mediate* resistit.

§. 15. Ex his igitur apparet, quæ Leges humana & quomodo obligent Conscientiam. Quæ cum ita sint, paucis etiam (pace tamen illorum, quorum est hæc ex professo disquirere) videbimus *Leges Magistratus vel Ethnici vel Impii & Hæretici*, & quid de illorum Legibus statuendum sit, indicabimus. Dicimus autem, quod omnino etiam illorum Leges, quatenus sunt *iustæ & licite*, obligent subditorum Conscientiam. Quod probamus (I) ex *Scripturâ S. Rom. XIII. v. 1. & seqq. & 1 Pet. 2. v. 13. & seqq.* Ubi sine ulla exceptione & limitatione Obedientia à Subditis exigitur.

Dan. V. v. 21. tur. Præterea etiam omnis potestas à Deo ordinata est. Nam Deus regnum terrenum & piis & impiis dat, sicut ei placet, cui nihil iniuste placet. Qui Mario, ipse Cajo Cesari: qui Augusto, ipse & Neroni: qui Vespasiano vel Patri vel Filio suavissimis Imperatoribus, ipse & Domitiano crudelissimo, & ne per singulos ire necesse sit, qui Constantino Christiano, ipse Apostate Juliano. Hæc unus Deus, unus & verus regit & gubernat, ut placet: eisi oculis causis, nunquid iniuste? Unde etiam resistit ordinationi divinæ, qui Magistratus impii Legibus iustis resistit, sicut is, qui pii & Christiani. Permittit autem Deus ejusmodi Magistratum non sine causis, sed

Job. XXXIV. v. 30. propter subditorum peccata, & ad probandam bonorum patientiam & iniquitatem malorum puniendam. (II) Ab exemplo Christianorum in primitivâ Ecclesiâ, quos commendat Augustinus in Psalmum CXIV, quando dicit: Julianus exstitit Imperator infidelis. Nonne exstitit Apostata, iniquus, idololatra? Milites Christiani servierunt Imperatori infideli. Ubi veniebat ad causam Christi, non agnoscebant, nisi illum, qui in cælo erat. Quando volebat, ut idola colerent, ut thurificarent, præponebant illi Deum. Quando autem dicebat, producite aciem, ite contra illam gentem: statim obtemperabant. Distinguebant Dominum æternum à domino temporali, & tamen subditi erant, propter Dominum æternum, etiam domino temporali. Quod si autem minus honesta præceperint, audiendus est Apostolus Act. V. v. 29. Ita etiam prudenter Socrates ad Judices aliquando dixit: Vos, O Veri Athenienses, com-
Plato Apolog. Socratis p. 23. plector quidem, & amo; at Deo potius quam vobis obtemperabo. Vide plura in Phil. Sobr. Meisners P. III. S. II. C. III. Q. II. pag. 696. seqq.

S. 16. Verùm cum omnes Leges piæ & iustæ obligent, sequatur etiam necessum erit, ut ipse Magistratus summus obligetur. Divinis & Naturæ Legibus quod sit obligatus, nemo sanæ mentis unquam negare audebit, cum S. Scriptura hoc præcipiat. Sunt enim subditi & Cives summi Dei. E. ipsius etiam legibus sese debent subijcere. Quas vero si violaverint, vindictam dubio procul Deus & ab illis sumet. De Legibus autem humanis & positivis, quæ naturalis ratio inter homines constituit, hic possumus sermo est. Sunt qui negant; tum propter Legem istam

Dent. XVII. 12. seqq.

Rom. II. v. 14.
H.

Ulpiani: *Princeps Legibus est solutus*: tum quia Magistratus est leges dare & imperare aliis, non vero accipere & obtemperare: tum ob rationes alias, quas vide apud Gerh. de *Magistr.* §. 265. Verum, quicumque praecepta dat hominibus, ac vitam moresque fingit aliorum, quare, debeat ne ipse facere, quae precipit, an non debeat? Si non fecerit, soluta praecepta sunt. Si enim bona sunt, quae precipiuntur, si vitam hominum in optimo statu collocant, non se debet ipse Praeceptor à numero ceterarum hominum segregare, inter quos agit: & ipsi eodem modo vivendum est, quo docet esse vivendum, ne si aliter vixerit, ipse praeceptis suis fidem detrahat: levioresque doctrinam suam faciat, si re ipsa resolvat, quod verbis nitatur asserere. Unde Keckermannus: *Ne cogites Princeps aliquis se omnibus Legibus a unione esse solutum.* Nam etsi in Regno suo libere quidvis perpetrare possit, nec tamen pro iudicio sisti, facile fieri potest, ut alius quidam Princeps eum devincat & in suis Regnis pertrahat, ut ibi cogatur reddere rationem suorum factorum, imò & Capite plecti, sicut accidit Neroni, qui etiam gloriabatur, se non Leges accipere, sed dare: nam nisi is violentas sibi ipsi manus inferens supplicium de se sumpsisset, à populo Rom. graviore fuisset supplicio affectus. Quamobrem etiam nos adhibitâ istâ distinctione, quam §. 9. explicavimus, scilicet inter obligationem coactivam & directivam dicimus, quod, quantumvis Magistratus summus non sit obligatus Legibus istis humanis positivis, quoad obligationem violentam & coactivam, quia nullus hominum Magistratum summum potest coercere, & eum poenis ad officium redigere; est tamen omnino obligatus quoad obligationem pedagogicam & directivam, quia Magistratus recte etiam agere & iustitiâ universali praevidendum esse debet. Cum autem iustitiâ primus actus, quemadmodum Ethici docent, in eo consistat, ut quis agnoscat se esse subiectum legibus, necessarium est, ut Magistratus etiam summus sit sub Legibus, nisi universalem sibi iustitiâ competere velit negare. Praeterea etiam Magistratus non saltem alios sed & se ipsum Legum habens ideo debet moderari, ut in se ostendat, quid à suis subditis factum velit: quippe quod exemplo bono multo felicius subditos regere possit, quam edictis & mandatis. Unde Ovi-

Lactantius L.
IV. de vera
Sap. Cap.
XXIII. p. 249.
Lib. I. Syst. Pol.
Cap. II. p. 19.

Sic agitur censura, & sic exempla parantur.

Cum Index, alios quod mones, ipse facit.

Interim de Omnibus Legibus hoc non est accipiendum, sed tantum de iis, quæ Magistratui conveniunt. Legibus enim, quatenus sunt Objectum iustitiæ & Regula, unusquisque, & sic etiam Magistratus, se debet subicere, non minus ut ipsi Virtuti. Quod vero si non fecerit, pœnam aliquando Dei experietur, quemadmodum Nero Galii. Verum quatenus sunt medium & instrumentum, quo Magistratus regit Rempublicam, & subditis tantum sunt datæ: E.g. de non gestando gladio, veste sericâ incedendo, &c. Magistratui non conveniunt, & sic etiam illum non obligant, sed ipsi subservire debent. Quod eleganti aliquo simili, à Cæco & ipsius famulo desumpto, illustrat Keckerm. Capiatur, inquiens, exemplum ab homine cæco, qui à suo famulo in rectâ viâ ducitur, quatenus famulus hunc dominum cæcum regit, eatenus dominus famulo est inferior, & famulo subicitur: quatenus vero servum consideras, ut instrumentum serviens suo domino, utiq; servus, utut oculatissimus, tamen domino suo cæco subicitur. Et hoc quidem modo, quatenus Lex est causa minus principalis, eatenus Princeps est dominus Legum, ita ut eas possit Reip. accommodare.

§. 17. Atque hæc sunt, quæ in præsentiarum in medium afferre voluimus. Plura qui desiderat, consulere poterit Autores supra Citatos, & Hornejum in Philos. Morali Lib. IV. Cap. III. de Prud. Legislat. Nos concludimus cum Bernharo super Cant.: Veniet dies iudicii, ubi plus valebunt pura Corda, quam astuta verba, & Conscientia bona, quam Marsupia

plena, &

Gloriam Referimus Unice Sanctissimo.



SANCTA Magistratûs nil profunt Jura severi,
Nî Virtute suâ corda ligare queant.

SEBASTIANUS Ntemann/D.

P. P. & Superint.

VIRO-JUVENI

Per-Eximio & Politissimo Dno.

GEORGIO RICKENIO,

SS.Theol. & Philos.Studioſo indefeſſo, felicissimo,

Amico & Fautori mihi longè dilectissimo,
cum

Eruditam de Legis Autoritate Commentationem ederet, S.

QUAM benè *Leucoreos* Tibi res fit gesta per amplos
Campos, *Lex Tua* nunc non sine laude docet.

Honori & Virtuti RICKENIANÆ

sic festinantissimus litabat

GEORG. GOEZIUS, Moral.P.P.

LEX. OSTENDIT. CIVEM.

[Eucoris incepit benè, consummato Salana
Civem, quemq; VIRUM *Lex docet esse BONUM.*

Gemino igitur Jure

TE

ERUDITISSIME DN. AUCTOR,

FAUTOR COLENDE,

Pii omnes atq; eruditi

laudent

&

Florentissima JENA nostra

felici omine accipit,

de quo rectè gratulor

PRÆSES.

OBLIGATIONE MUTUA.

Legibus humanis dum pondus inesse probatur,
Demonstras studiis pondus inesse Tuis
Se Tuus assiduus virtutibus obligat Ardor,
Se pariter virtus obligat ipsa Tibi!

*Ita Fautori ac, Conterraneo suo honorando
gratulabundus sincero pectore assurgit*

CHRISTIAN: SPECHT/Goungâ-Saxo,
S.S. Theolog. Studiosi.

Dum pulchro studio doctas accedis Arenas,
Fac reduci cedant florida ferta Tibi.

*Sic Amico ac Contubernali dilectissimo
gratulabundus acclamabat*

MICHAËL EVVÂLDUS, Danuscanus.

Quæ ratio legis, dissertas, & quibus illa
Viribus adstringat, rite pieq; doces.

*Ita Erudito Dno: Autori Respond. contubernali suo
dilectissimo gratulabundus acclamare voluit*

SAMUEL LINDEMANN, Starg. Pom.

Difficiles Curis paulum discedite Musæ,
Sacras Vobis Apollo dedit Feriæ.

*Namque nimis Fervens ardenti Sirius Oestro
Siti molesta Corpus omne conficit.*

Et sudans studiis Cerebrum mala plurima reddit,

Sibi Tabum, Quem Genio, Membra Luem.

Frigidus incaluit sanguis, venæque tumescunt,

Mentemque curiosa macerabitis?

Complures lætæ cur non vivatis in annos?

Nec hisce sermipiandus est horis labor.

*De otio honesto scribebat
Amico minime Otioso*

AMANDUS HELICONIUS.